

12/21-

B O S N A I H E R C E G O V I N A  
F E D E R A C I J A B i H  
G R A D Z E N I C A

Služba zaboraćko-invalidsku i socijalnu zaštitu, stambene poslove i društvene djelatnosti

---

Broj: 07-45-165/21  
Zenica: 04.01.2021. godine

**STRUČNA SLUŽBA GRADSKOG VIJEĆA**

**PREDMET: Stav Službe**

**Izveštaj o radu JU Apoteka „Zdravlje“ Zenica za 2019.godinu**  
- dostavlja se

Javna ustanova Apoteka „Zdravlje“ Zenica organizovana je na osnovu Odluke o organizovanju Javne ustanove Apoteka „Zdravlje“ Zenica („Službene novine Općine Zenica“, br.:4/98), a koju je donijelo Vijeće Općine Zenica u skladu sa Zakonom.

- J.U. Apoteka „Zdravlje“ Zenica osim što pruža kvalitetnu farmaceutsku uslugu u urbanom području, tako što ostvaruje kroz rad osam apoteka, isto tako pruža usluge i u ruralnim područjima kroz rad četiri depoa. Time je usluga farmaceuta značajno približena specifičnim potrebama stanovnika ruralnih područja, a što na još jedan način određuje društveno-odgovornu karakternu liniju Ustanove. Javna Ustanova Apoteka Zdravlje Zenica je ugovorna apoteka, to jeste pripada integralnom informacionom sistemu Zavoda zdravstvenog osiguranja Zeničko-dobojskog kantona. Promet lijekova sa esencijalne liste se provodi kroz aplikaciju e-Apoteka, kroz koju se vrši i obračun kao osnov za fakturisanje prema Zavodu. Magistri farmacije, kao ovlaštena lica za izdavanje lijekova na recept, imaju korisničke račune u aplikaciji, a kompletna razmjena podataka između ljekara, farmaceuta i Zavoda se odvija putem aplikacije e-Apoteka.
- Izveštaj o radu JU Apoteka „Zdravlje“ Zenica za period 01.01. do 31.12.2019. godine, urađen je na bazi podataka i pokazatelja i oslikavaju stanje u ovoj Ustanovi s aspekta njenog rada i poslovanja. Izveštaj je urađen po standardima i metodološki zadovoljava kriterije u ovoj oblasti, što je konstatovao i revizor.
- Uslovi poslovanja Apoteke i uslovi snabdijevanja stanovništva lijekovima, u ključnim faktorima koji to određuju su izvan uticaja ove ustanove, a navedeni su u ovom Izveštaju, kao i u izvještajima prethodnih godina
- Ostvareni ukupan prihod u periodu od 01.01.2019. do 31.12.2019.godine, iznosi: **6.271.688,00 KM**, što je u odnosu na isti period prethodne godine, **povećanje** za **194.382,00 KM** ili 3.2 %. U obračunskom periodu za 2019. godinu, **poslovni prihodi** iznose 5.761.337,00 KM, što je 91.9% ukupnog prihoda. U odnosu na isti period prethodne godine, ovi prihodi imaju **povećanje** za 225.942,00 KM ili 4.1 %.

Ostvareni ukupni rashodi u obračunskom periodu 2019. godini, iznose: 6.268.483,00 KM, što je u odnosu na isti period prethodne godine, **povećanje** za 194.063,00 KM ili 3.2 %.

U obračunskom periodu 2019. godine, poslovni rashodi iznose 6.253.350,00 KM, što je 99.8% ukupnih rashoda. U odnosu na isti period prethodne godine, ovi rashodi imaju **povećanje** za 224.532,00 KM ili 3.7 %. U obračunskom periodu 2019. godine, najveći rashodi su evidentirani na kontu 50, AOP 213 -Nabavna vrijednost prodate robe, u iznosu od 4.621.447,00 KM, što je 73.7% ukupnih rashoda. U odnosu na isti period prethodne godine, ovaj rashod ima povećanje za 206.395,00 KM ili 4.7 %. **U izvještajnom periodu je iskazana je dobit u iznosu od 3.205,00 KM.** Zavisni troškovi funkcionisanja Ustanove i u 2019. godini su svedeni na minimum.

- U segmentu rada direktorice Ustanove, direktorica je kontinuirano analizirala potencijalne mogućnosti za povećanje prihoda Ustanove, kao i mogućnosti za smanjenje troškova u Ustanovi, a sve u cilju smanjenja disproporcije između prihoda i rashoda. Rezultat toga je pozitivan finansijski izvještaj, U tom kontekstu, značajno se ističe dobra rabatna politika i ostvaren ozbiljni odnos veletrgovlja prema Ustanovi. U toku 2019. godine izvršeno je renoviranje i modernizacija Apoteke "Sutjeska" u Zavidovićima.

Osim toga, postojao je niz aktivnosti usmjerenih na marketing Ustanove i proizvoda Galenskog laboratorija Zenica, u vidu reklama, raznih prospekata i letaka, te marketinške aktivnosti na društvenim mrežama, sve u cilju promocije i održavanja konkurentnosti na tržištu.

Realizovana su dva redovna godišnja Simpozijuma farmaceuta koje organizuje Federalna farmaceutska komora, potom Kongres farmaceuta i različite vrste predavanja na kojima su predavači farmaceutski predstavnici a nekada i sami magistri- uposlenici ustanove. Takođe niz predavanja u organizaciji Kantonalne farmaceutske komore, te aktivnosti koje uključuju i farmaceutske tehničare.

- Upravni odbor je u periodu od 01.01.2019. godine do 31.12.2019. godine održao ukupno dvanaest sjednica Upravnog odbora. Upravni odbor se pored razmatranja i usvajanja godišnjeg i polugodišnjeg izvještaja o radu Apoteke, u 2019. godini angažovao i na rješavanju statusa Ustanove u smislu iznalaženja rješenja za poboljšanje finansijskog položaja i smanjenje gubitaka. UO je rješavao pitanje odnosa sa Osnivačem te usmjeravao rad direktorice Apoteke. Upravni odbor je dao pozitivnu ocjenu za napore i rad direktorice Ustanove.
- Za daljni razvoj apotekarske djelatnosti u okviru JU Apoteka Zdravlje Zenica od ključnog je značaja prevazilaženje sadašnjih problema u pogledu adekvatnog položaja ove ustanove. Za obezbjeđenje uslova za funkcionisanje ove Ustanove potrebno je iznaći nove izvore finansiranja, kroz razvoj Galenskog laboratorija. Za realizaciju ove ideje potrebna su značajnija sredstva, koja apoteka ne može sama obezbijediti. U izvještaju se navodi da postoji potreba da se pomogne rad depoa u Janjčićima, Arnautima, Šerićima i depoa u Tišini, a koji stvaraju gubitke zbog čega se dovodi u pitanje njihov opstanak. Ustanova planira i u 2020. godini izdavati lijekove po esencijalnoj listi, te se u pregovorima sa Zavodom zdravstvenog osiguranja boriti za povećanje cijena po esencijalnoj listi. Ustanova planira nastaviti raditi na proizvodnji novih proizvoda unutar Galenskog laboratorija, na marketinškoj promociji te na aktivnostima za otvaranje nove poslovnice koja bi dopunila potrebe još jednog dijela gradskog područja.

## Struktura uposlenika

Tabela uposlenih u JU Apoteka "Zdravlje" Zenica	
Stručna sprema:	Broj izvršilaca:
VSS	24
SSS	21
KV	1
NS	5
<b>UKUPNO:</b>	<b>51</b>

S obzirom na sve navedene dokumente o poslovanju ove Ustanove, Služba za boračko-invalidsku i socijalnu zaštitu, stambene poslove i društvene djelatnosti predlaže Gradskom vijeću da usvoji Izvještaj o radu JU Apoteka "Zdravlje" Zenica za 2019. godinu.

### PRILOZI:

1. Izvještaj o radu JU Apoteka „Zdravlje“ Zenica za 2019.godinu
2. Izvještaj o reviziji finansijskih izvještaja za 2019.godinu
3. Zaključak o usvajanju Izvještaja o radu JU Apoteka „Zdravlje“ Zenica za period 01.01.2019.-31.12.2019. godine.

### DOSTAVLJENO:

1 x Naslov

1 x a/a

Šef Odsjeka za društvene djelatnosti

Zijad Imamović

Pomoćnica Gradonačelnika

Sumea Mujkanović

